



## CAPITULO VI

DE LA ORACIÓN TEOLÓGICAMENTE CONSIDERADA, AD  
MENTEM DIV. THOMAE.

### I

#### QUID SIT ORATIO

Oratio est «petitio decentium impetrandarum a Deo, et cum ascensu mentis ad Deum» (1). (Vide amplius P. Valgornera, Ord. Praed., Vol. I, pag. 184).

### II

#### UTRUM ORATIO SIT DE JURE NATURAE?

Rationalistae (ducibus J.-J. Rousseau, Kant, Saisset, Damiron et F. Simón) orationem, quatenus est gratiarum actio, optimam esse fatentur; orationem vero in *sensu petitionis* acceptam rejiciunt ut inutilem, Dei Sapientiae, imutabilitati et bonitati injuriosam, hominisque dignitati oppositam. «C' est quand la priere contient une demande qu' il paraît difficile de la concilier avec l' immutabilité divine; car, d' un côté, on ne demande que pour obtenir, et, d' un autre côté, Dieu ne change rien á ses décrets» (2).

#### ADVERSUS EOS SIT SEQUENS

Thesis:

Oratio, *in sensu petitionis accepta*, non solum maxi-

(1) Div. Thom. 2.<sup>a</sup> 2, ae q. 83, art. 1. O.

(2) Damiron, Cours de phil. morale, p. 238. — Simon, La Rel. nat. p. 377, 272.

me congruit naturae humananae, verum etiam jure naturali praecipitur (1).

Prob.:—(1.<sup>a</sup> Pars Congruit. 1.<sup>o</sup>) *In Ordinatione rerum* maxime convenit ut Deus eligat ea, quae sunt ad cultum sibi debitum aptissima: sed talis est Oratio in sensu petitionis accepta; nam «per orationem homo Deo reverentiam exhibet, in quantum ei se subjicit, et profitetur orando se Eo indigere sicut auctore suorum bonorum».

2.<sup>o</sup> Decet hominem ad Deum praecipue moveri *per fiduciam*; sed, quum aliquid á Deo petimus, fiducia movemur ad Eum, ut ad patrem nostrum et benefactorem, secundum ea S. Doctoris: «Deus nobis multa praestat ex sua liberalitate, etiam non petita; sed quod aliqua vult praestare nobis petentibus, hoc est propter nostram utilitatem: ut scilicet fiduciam quamdam accipiamus recurrenti ad Deum, et ut recognoscamus eum esse bonorum nostrum auctorem» (2).

2.<sup>a</sup> Pars.—*Praecipitur*. Omnibus inest inclinatio naturalis ac invincibilis ad orandum; ea autem inclinatio lex naturae putanda est; oratio igitur jure naturali praescribitur.

Prob. *major*: Experientia universali constat homines ubique terrarum á Numine summo precari, ut det praemia virtuti, aut veniam peccatorum condonet, ut prospera et opportuna largiatur, mala autem avertat. In arduis auxilium á Deo rogamus, et in periculis una clamamus voce: Heu ;Domine, salva nos! Unde merito scripsit Plutarchus: «Urbem templis diisque carentem, quae *precibus*... non utatur, nemo umquam vidit». Et Pius IX R. P. in epist. ad Praefectum Caerim. Martinucci. 30 Decemb. 1872 scripsit: «Se credendi legem statuit supplicandi.»

Prob. *minor*: Inclinatio illa lex naturae putanda est; homo enim orationi intentus est, eo quod recte judicat se multis egere, Deum autem esse bonorum omnium aucto-

(1) Sum. Theol. 2.<sup>a</sup> 2, ae, q. 83, a 1—17; et Contra Gentes, lib. III, cap. 65

(2) Sum. Theol. 2.<sup>a</sup> 2, ae q. 83, a. 2—ad 3 m. et art. 2 et 4.

rem et largitorem: «Nec in hunc furorem, ait Seneca, omnes mortales consensissent alloquendi surda numina et inefficaces deos, nisi nossent illorum beneficia, nunc ultro oblata, nunc *orantibus* data magna et oportuna».

EN OBJECTIONES RATIONALISTARUM ADVERSUS ORATIONEM: obj. I.<sup>a</sup>)—Oratione petimus ut fiat *miraculum* et ordinatio Providentiae immutetur: unde, oratio est Deo injuriosa (1).

«Si nous savions toujours ce que nous faisons quand nous prions, nous ne demanderions pas si facilement des miracles» (2).

Resp.: *Neg. ant.* Non enim propter hoc rogamus, ut divinam dispositionem immutemus, sed ut id impetremus quod Deus disposuit *per orationes sse implendum*; ut scilicet, «homines postulando mereantur accipere quod eis Omnipotens Deus ante saecula disposuit donare» (3).

Unde *nego* Conseq. nan difficultas a rationalistis allata nititur sophismate, quod vocant *ignorantiam elenchi*.

Obj.)—Deus *scit* ea, quibus indigemus; aliunde liberius est dare aliquid non petenti, quam dare petenti. Ideo non est conveniens Deum orare; aut salutem oratio et proprus inutilis.

Resp.: *Concedo utrumque antecedens*, sed *nego consequentiam*; nam ex altera causa, oratio est, conveniens et utilissima: «ut fiduciam quamdam accipiamus recurrendi ad Deum tamquam ad auctorem sonorem sperum» juxta D. Thomam.

sur les désirs formés au dedans de nous.... Ces instances font de l' homme agenouillé devant Dieu, un cortisan mendiant une faveur» (4)

(1) Ita omnes rationalistae: v. gr., Rausseau, «Profess. de foi du vic. savoy. Damiron,» Cours de phil. morale, p. 235.

(2) J. Simon, «La Religi. nat. pag. 379—380.

(3) Sum. Theol. 2<sup>a</sup>. 2<sup>ae</sup>. q. 83. art. 2 et p. 1<sup>a</sup>. q. 23, art. 8, et Sum. Contra Gentes. lib. III, cap. 65.

(4) J. Simon, La Rel. nat. pag. 382—383.

Resp: *Nego 1<sup>um</sup> Antec.* Oratio enim, nisi tantum ex abusu, non fit magis superstitiosa, quam caeteri actus religionis externae.—*Nego 2<sup>um</sup>.* antec., praesertim, cum hodierni rationalistae ipsos homines humiliter rogare non erubescant, ut dignitates impetrent. Unde *nego* Consequentiam: nam oratio vocalis orationi internae convenienter et utiliter adjungitur, sive ad excitandam interiorum devotionem, sive quasi ad redditionem debiti corporis, sive ex vehementi affectione, secundum illud psalmi: «Lae-tatum est cor meum, et *exultavit lingua mea*» (1)

Obj. IV) Si decet orare, spiritualia tantum rogare oportet; unde *materialia* petere a Deo non licet. «Nous ne dirons pas: Mon Dieu, fais pousser nos épis; mais nous dirons: Mon Dieu, donne-moi le courage de semer; ou: Console-moi de n' avoir pas recolté; Voila la vraie prière la seule permise» (2)

Resp.: *Dis. ant.*: Deum rogare debemus ut spiritualia nobis concedat *primario et principaliter, conc.*; exclusive, *nego*.

*Distin.* pariter *conseq.*; non decet materialia petere *primario et principaliter, con.*; secundario et conditionate, *nego*.

Revera «hoc licet orare, quot licet desiderare» (3). Sed temporalia licet desiderare, non quidem principaliter, sed «in quantum per ea vita temporalis sustentatur, et in quantum nobis organice deserviunt ad actus virtutum. Et ideo pro temporalibus licet orare» (4). Vide insuper P. Balgornera, ord. Praed. pag. 218—22).

### III

#### DE NECESITATE THEOLOGICA ORANDI

Praeter q. 83, art. 2., 2.<sup>a</sup>, 2.<sup>ae</sup>, documenta ex S. Scriptura

(1) Psal. XV, 9. — (2) J. Simon, *La Religi. nat.* pag. 381—382. — (3) S. Aug. Ad Prob. Epist. 130. cap. XII.—(4) Sum.—Theol. 2.<sup>a</sup> 2.<sup>ae</sup>, q. 83 art. 6.; et Aristotel. Eth. cap. VIII, 1 Ethic.

afferimus, quibus evidenter constat Deum ordinasse orationes tamquam causas secundas ad obtinenda bona, quibus indigemus: (1)

Matth. 26.—«Orate, ne intretis in tentationem».

Jacob. 5.—«Orate pro invicem, ut salvemini».

Jacob. 4.—«Non habetis propter quod non postulatis».

Ad Colosses. 4.—«Orationi instate vigilantes in ea».

Matth. 7.—«Petite et accipietis».

Ad Thessalonicens. cap. ult.—«Sine intermissione orate».

Luc. 18.—«Oportet semper orare».

Matth. 17.—«Hoc genus daemoniorum non ejicitur nisi per orationem et jejunium». *Ad Rom. 16*—«*Omnis, qui invocaverit nomen Domini, salvus erit*».

Ad Ephes. 6.—«Orantes omni tempore».

S. Augustinus, DE DONO persev. cap. 16 dicit: «Constat Deum alia danda etiam non orantibus, sicut initium fidei; alia non nisi orantibus praeparasse, sicut usque in finem perseverantiam.» Et luculenter constat ex Catechismo ad Parochos, parte IV, cap. I,

IV

Nedum, ait P. Billuart, utilis est et conveniens oratio ad salutem, sed et omnibus *adultis* necessaria necessitate medi, non quidem ex *natura rei*, quia non desunt alia media, quibus potuisset procurari salus; sed EX ORDINATIONE DIVINA, quae disposuit, ut per orationem tanquam per medium convenientissimum, obtineretur salus, ut patet ex dictis. Vide insuper 4<sup>am</sup> partem, cap. 1; n.º 2. Catechismi ad Parochos.

Ex quo inferes orationem etiam esse necessariam necessitate praecepti tum divini tum naturalis. *Naturalis*, quia posita ordinatione divina est medium necessarium ad salutem; *divini*, ut patet ex variis locis S. Scripturae citatis.

Quando urgeat hoc praeceptum? (2)

(1) Catechism. ad Parochos, pars 4, a cap. I, nrs. 1, 2, 3, 4.

(2) S. Ligorio dice así: «Salmanticenses cum Trullenchs et Villal, contra

Resp., ait Billuart, urgere dum instat gravis necessitas, v. gr., superandi tentationem, actum contritionis eliciendi, sacramenta suscipiendi, opus arduum assumendi, in periculo mortis, etc.

Unde per accidens et saltem ex lege charitatis tenetur quilibet homo orare, inter alios, in sequentibus casibus:

*Primo*, quando adest necessitas gratiam recuperandi.

*Secundo*, quando adest periculum gratiam amittendi.

*Tertio*, quando adest periculum grave propriae mortis.

*Quarto*, quando occurrit aliqua spiritualis necessitas proximi, cui aliter succurri non potest, nisi orando pro eo.

*Quinto*, quando Respublica seu Communitas adest in aliqua gravi necessitate, seu periculo, sive spirituali, sive temporali.

In istis enim, et similibus casibus, tenetur quis *ex populo* orare *sub gravi*, vel levi culpa omnino destimanda prudenti judicio, juxta gravem vel levem casus indigentiam et urgentiam. Ita communiter auctores.

Respectu autem aliquarum *particularium* personarum potest insuper adesse obligatio orandi in quatuor specialibus casibus:

*Primo*, quando adest specialis status, vel Ordinis Sacri vel Beneficii, vel Religionis profesaе.

*Secundo*, quando adest speciale votum.

*Tertio*, quando adest speciale pactum.

*Quarto*, quando adest speciale praeceptum impositum a Superiore, vel in Sacramento Penitentiae. Ita communiter.

alios, censent orationem obligare *per se* triplici tempore, scilicet, in instanti usu rationis, in articulo mortis, et semel saltem in anno. Dicitur *per se* nam *per accidens* certum est obligare, quando urget magna tentatio, quae alias vinci nequeat, vel quando urget magna calamitas populi aut proximi». En la introducción del libro.

V

DE DIUTURNITAE ORATIONIS

De oratione, juxta Div. Thomam (q. 83, a. 14, 2<sup>a</sup> 2<sup>ae</sup>) dupliciter loqui posumus. Uno modo secundum ipsam, et alio modo secundum causam suam, quae est desiderium salutis. Oratio, secundum se spectata non potest esse continua, quia oportet aliis operibus vacari; et contraria tenentes tamquam haeretici sunt habiti sub nomine Euchitarum apud Epiph., haeresi ultima; et S. Agust., haeresi 37.

Oratio vero, secundum causam spectata, debet esse continua quia *desiderium* salutis, quod est ejus causa, debet esse in nobis continuum vel actu, vel virtute. Et hoc sensu possunt intelligi orationis continuae praecepta Luc. 18: «oportet *semper* orare et non deficere» Ad Ephes. 6: «orantes omni tempore»; et I Thessal. 5: «Sine intermissione orate». (Vide P. Morán, Teología Moral, vol. I, num<sup>o</sup>. 584, pag. 279).

VI

DE MERITO ORATIONIS

Praeter effectum spiritualis consolationis, quam praesentialiter offert, est meritoria impetratoria et satisfactoria.

Oratio *est meritoria*, et quidem *de condigno* vitae aeternae et amenti gratiae sicut quilibet alius actus virtutis, in quantum procedit ex radice charitatis suae gratiae sanctificante, mediante religione, juxta Div. Thomam 2<sup>a</sup>. q. 83, art. 15. Intellige hoc meritum de condigno respectu orantis, alterius pro quo oret, sicut docet Angelicus Doctor in hac quaestione in resp. ad 2um.

Tamen *alteri* potest orans *mereri* de *congruo*.

*Est impetratoria* illius quod petimus ex *gratuita misericordia* et *fidelitate* Dei, qui dignatus est promittere *se daturum* ea, quae peteremus, juxta Div. Thomam, in 2a. 2ae. q. 83, art. 15.

*Est satisfactoria*, in quantum nobis adhuc mortalibus et miseris est opus poenale assumptum in vindictam peccatorum; et quia licet habeat suavitatem spiritus, habet etiam afflictionem carnis.

Praeterea, Div. Tomas, in «Expositione Orationis Dominicae» ait: «Nota insuper quod tria bona facit oratio»

«*Primo*, enim est *eficax* et utile remedium contra mala.

«Liberat enim a peccatis *commisis*» Psl. XXXI: «*Tu remisisti impietatem peccati mei, pro hac orabit ad Te omnis sanctus*». Sic «latro in cruce orabit, et remissionem obtinuit»: «Hodie mecum eris in Paradisso.» Luc. XXIII. Sic publicanus oravit, et «*Justificatus descendit in domum suam*», Luc. XVIII.

«Liberat etiam a timore peccatorum *supervenientium* a tribulationibus et tristitiis. Jacob. ult. cap.: «Tristatur quis in vobis? *oret* aequo animo»

«Liberat etiam a persecutionibus et inimicis. Psl. 108:

«Pro eo ut me diligerent, detrahebant mihi, ego autem orabam.»

«*Secundo*, est efficax et utilis ad omnia desideria obtinenda. Matt. II, «Omnia quaecumque orantes petitis, credite accipietis;»

«*Tertio*, est utilis, quia facit nos familiares Deo. Psl. 140 »Dirigatur oratio mea sicut incensum in conspectu tuo.»

«*Quarto*, delet peccata venialia et quotidiana, ex textu expreso *in cap.* De Quoti. 20 dis. disp. 33 de *Penitentia*.

VII

DE INFALLIBILI EFFICACIA ORATIONIS

Utrum Orans semper impetret quod petat?

Oratio ex Christi promissione habet *infallibilem* impetrandi vim, dummodo adsint conditiones requisitae. Ita omnes Theologi cum Sto. Thoma.

Documenta ex Scripturā Sacra sunt sequentia:

*Deuteronomii*, cap. IV, v. 7: Deus noster *adest cunctis obsecrationibus nostris.*»

Psalmi, IX, «Psallite Domino.....: non est oblitus clamorem pauperum.»

Ecclesiastici, cap. II, v. 12..... «aut quis invocavit eum, et despexit illum?»

Ecclesiastici, cap. XXI, v. 6. «Deprecatio pauperis ex ore usque ad aures ejus perveniet, et judicium festinate adveniet illi.»

Isaiae, cap. 41, v. 17. «...Ego Dominus exaudiam eos, Deus Israel, non derelinquam eos.»

Isai, cap. 65 v. 14: «Eritque antequam clament, ego exaudiam: adhuc illis loquentibus, ego audiam.» Et catechismus S. Pii V, Ord. Pred. ait:

Matth. cap. VII, «Petite et *dabitur vobis*; quaerite et invenietis: pulsate et aperietur vobis. Omnis *enim* qui petit, accipit; et qui quaerit, invenit: et pulsanti aperietur.»

Marc. cap. XI, v. 24: «Propterea dico vobis, omnia quaecumque orantes petitis, credite quia accipietis et evenient vobis.»

Joann. cap. XIV, v. 13: «Et quodcumque petieritis Patrem in nomine meo, hoc faciam: ut glorificetur Pater in Filio.»

Jacobi, cap. I, v. 5: «Si quis autem vestrum indiget sapientia postulet á Deo, qui dat omnibus affluenter, et non impropere: et *dabitur ei.*»

VIII

CONDITIONES, QUIBUS CONCURRENTIBUS ORANS SEMPER IMPETRAT QUOT PETIT, SUNT SEQUENTES:

1.<sup>a</sup> Prima conditio requisita ad efficaciam et infallibilem effectum orationis est, quod petantur *necesaria* et *utilia* ad salutem.

2.<sup>a</sup> Secunda conditio est ut petamus. Sub *pietate* intelligitur Fides, Spes, dilectio, humilitas et attentio.

Marc, X, «....Habete fidem Dei. Amen dico vobis, quia quicumque dixerit huic monti: Tollere, et mittere in mare; et non haesitaverit in corde suo, sed crediderit, quia quodcumque dixerit, fiat, fiet ei.»

3.<sup>a</sup> Tertia conditio est reconciliatio cum proximis nostris, nam Marci, cap. XI, v. 25 legitur: «Et cum stabitis ad orandum, dimittite, si quid habetis adversus aliquem: ut et Pater vester, qui in coelis est, dimittet vobis peccata vestra». Et vide Matth. cap. VI, v. 14.

4.<sup>a</sup> Quarta conditio ut orans sit Deo gratus, nam Job, cap. XI, v. 11, legitur: «Ipse enim novit hominum vanitatem, et vides iniquitatem, nonne considerat?».

5.<sup>a</sup> Quinta conditio est orare in nomine Christi; nam legitur in Evangelio Joannis, cap. XIV, v. 14: «Si quid petieritis me in nomine meo, hoc faciam»; et in v. 13: «Et quodcumque petieritis Patrem in nomine meo, hoc faciam.»

7.<sup>o</sup> Septima conditio est attentio, nam legitur Matth. cap. XV, v. 8: «Populus hic labiis me honorat: cor autem eorum longe est á me.»

I Corinth. cap. XIV, v. 15: «.... orabo spiritu, orabo et mente; psallam spiritu, psallam et mente.»

8.<sup>a</sup> Octava conditio est quod oratio fiat pro se ipso et non pro aliis, justa div. Thomam, in q. 83, art. 7, ad 2um, 2.<sup>a</sup> 2.<sup>o</sup>

Quibus enim ex charitate et orare possimus ac debeamus etiam pro aliis, juxta illud Jacobi, 5: «orate pro invicem, ut salvemini», tamen multa difficilior impetratio pro aliis, quam pro seipso, cum alii possint obicem ponere ratione propriae indispositionis, quam indispositionem tollere pro aliis non est in potestate orantis, sicuti est in sua potestate pro se ipso. Sed aliter dicendum est, si illi, pro quibus orat, sint debite dispositi, nam tunc, etiam habebit oratio suum infallibilem effectum seu impetrationem, ut recte docent teologi.

9.<sup>a</sup> Nona conditio est ut fiat perseveranter, id est, si prima vice non obtineamus, iterum ac iterum instemus. Unde Christus Dominus dicit, Lucae, cap. 18: «Oportet semper orare et non deficere.» Et latius et luculenter patet ex parabola amici apud S. Lucam, cap. XI, v. 5, 6, 7 et 8:

## IX

### CUR NON EXAUDIANTUR ORANTES

Si non impetret orans, provenit ex defectuali cujus ex predictis conditionibus, ut dicit Jacobus in sua canonica, cap. IV, v. 3: «Petitis et non accipitis: eo quod *male* petatis: ut in concupiscentiis vestris insumatis».

*Proverbiorum*, cap. I, v. 28, 29 et 30: «tunc invocabunt me, et non exaudiam: mane consurgent et non invenient me; eo quod exosam habuerit disciplinam et timorem Domini non susceperint, nec acquieverint concilio meo, et detraxerint universae correptionis meae».

*Proverbiorum*, cap. XXI, v. 13: «Qui obturat aurem suam ad clamorem pauperis, et ipse clamabit, et non exaudietur».

*Proverbiorum*, cap. XXVIII, v. 9: «Qui declinat aures suas ne audiat legem, oratio ejus erit execrabilis».

*Michae*, cap. III, v. 1, 2, 3 et 4, et 5: «Audite princi-

pes Jacob et duces domus Israel..... qui odio habetis bonum..... qui comederunt carnem populi mei..... tunc clamabunt ad Dominum, et non exaudiet eos; et abscondet faciem suam ab eis in tempore illo, sicut nequiter egerunt in adinventionibus suis».

*Zachariae*, cap. VII, á versu 9 usque ad 13.<sup>um</sup> «Judicium verum judicate, miserationes facite... et viduam, et pupillum, et advenam et pauperem nolite calumniari: et malum vir fratris sui non cogitet in corde suo.

Et noluerunt attendere... et aures suas agravaverunt ne audirent..... sic clamabunt..... et *non exaudiam*, dicit Dominus exercituum».

## X

### PRO QUIBUS ORANDUM

Oratio *privata* fieri potest pro omnibus, *qui nondum sunt in termino*; ideoque non solum pro nobis, sed etiam pro quibuscumque aliis, etiam sceleratissimis peccatoribus, pro paganis, judaeis, schismaticis, et excommunicatis. Quia juxta S. Augustinum, epist. 121, cap. 12, illud debemus orando petere quod debemus desiderare, quod est praeceptum charitatis, ut ait Div. Thomas. Ibinc, Jacobi, cap. V: «Orate pro invicem ut salvemini.»; Et I ad Timoth. cap. 2. «Obsecro vos primum omnium fieri obsecrationes orationes.... pro omnibus»; et in Oratione Dominica non dicimus «*Da mihi, et libera me*»; sed dicimus: «*Da nobis, libera nos*». Id confirmat Ecclesiae praxis in feria sexta Parasceves in Majori Haebdomada.

#### *Nota bene:*

1.<sup>o</sup> In oratione *publica* non licet orare pro excommunicatis tamquam membris Ecclesiae et expresso nomine, quia non sunt membra Ecclesiae; licet tamen *tacito nomine* et ut paenitentia ducti ad ejus gremium revertantur, juxta Billuart, dis. 1. II. art. VI. De Oratione.

2.<sup>o</sup>) Dixi notanter, *qui nondum sunt in termino*, a) quia non est orandum pro beatis in coelo, nam nostris orationibus ipsi non indigent, sed potius eorum orationibus nos indigeamus;

b) Neque pro damnatis in inferno (1), tum quia sunt extra vinculum charitatis qua opera vivorum communicantur mortuis, tum quia sunt absolute in termino, in quo receperunt ultimam suis meritis retributionem, scilicet aeternam damnationem, quae minui non potest.

c) Pro animabus existentibus in Purgatorio pium est et utile, quia etsi sint in ipso termino merendi et demerendi, non sunt tamen in termino mansionis, et quia (2) poena purgatorii est in supplementum satisfactionis in hac vita non impleta: opera unius valere possunt alteri ad satisfactionem, sive is sit mortuus, sive vivus, modo non sit totaliter in termino nec extra communionem sanctorum, quales revera non sunt animae purgatorii: et ideo orationes vivorum possunt illis prodesse non solum ut sunt satisfactoriae, sed etiam ut sunt impetratoriae et rectoriae de congrua:

(Vide amplius P. Valgornera, vol. 1.<sup>o</sup> pag. 199-208).

## XI

### PRO QUIBUSDAM VIVIS SPECIALITER ORANDUM

1.) *Pro semetipso*, nam charitas bene ordinata incipit á semetipso».

2.<sup>o</sup>) *Pro illis*, cum quibus pactum habemus, vel justitia vel charitas aut pietas nos obstringit.

3.<sup>o</sup>) *Pro praedicatoribus fidei*; nam Apostolus, ad Ephes. cap. VI, (9) ait: «vigilantes in omni instantia, et obsecratione pro omnibus sanctis; et pro me, ut detur mihi sermo in apertione oris mei cum fiducia, *notum facere* mysterium Evangelii»

Ad Colossenses, cap. IV, v. 3: «orantes simul et pro no-

(1) D. Thom. Supp. q. 71, art. 5 (2)—Div. Thomas, Sup. 9 71, art. 6.

bis, ut Deus aperiat nobis ostium sermonis ad loquendum mysterium Christi».

II Ad Thessalon. cap. III, v. 1: «orate pro nobis, ut sermo Dei currat, et clarificetur».

4.<sup>o</sup> *Pro peccatoribus*: nam, Jacobi; cap. V, v. 16, legitur: «Confitemini ergo alterutrum peccata vestra, et *orate* pro invicem ut salvemini: multum enim valet deprecatio justii assidua».

5.<sup>o</sup> *Pro regibus et superioribus*: ita constat ex I Ad Timotheum, cap. II, v. 1, 2, 3, «obsecro igitur primum omnium fieri obsecrationes, orationes..... pro omnibus hominibus, pro *regibus*, et omnibus qui in sublimitate sunt, ut quietam et tranquillam vitam agamus in omni pietate et castitate. Hoc enim bonum est, et acceptum coram Salvatore Nostro Deo».

6.<sup>o</sup> *Pro inimicis*: Ex Matth. cap. V. versu 44: «orate pro persequentibus vos»; et ex Luca cap. VI, v. 28: «Benedicite maledicentibus vobis, et orate pro calumniantibus vos»; et Act. Apost. cap. VII, v. 58 et 59. «Et lapidabant Stephanum invocantem et dicentem: Domine Jesu, suscipe spiritum meum. Positis autem genibus, clamavit voce magna, dicens:» Domine ne statuas illis hoc peccatum», et in cruce clamavit Christus:» Pater, ignosce illis, quia nesciunt quid faciunt; et in oratione dominica, dicitur: «dimitte nobis sicut et nos dimittimus debitoribus nostris».

7.<sup>o</sup> Pro bonis et piis orandum etiam est; ex 4 Reg. 19, 12, 13, 14.

8.<sup>o</sup> *Alium pro alio*: ita constat ex Jerem. 42, 2, 20 Baruch, 1, 13; 2 Machab. 1, 6; Ephes. 6, 18; Colos. 4, 2; 1.<sup>a</sup> Thessal. 5, 25; 2.<sup>a</sup> Thesal. 3, 1; 1.<sup>a</sup> Timoth. 2, 1, Jacob; 5, 16: et ex revelationibus S. Gertrudis et S. Theresiae et ex dogmate communicationis meritorum Sanctorum, ac eorundem communicationis.

*Nota bene.* Vide catechismum, ad Parochos, cap. V, a numero 1 usque ad 8, part. IV.

9.º Pro hostibus Ecclesiæ: Vide catechismum ad Parochos, part. IV, cap. V, n.º 3.

XII

CUI ORANDUM

1.º Utrum solus Deus debeat orari? D. Thomas, 2.ª 2.ªe q. 83 art. IV, ait: «Oratio porrigitur alieni dupliciter: uno modo quasi per ipsum *implendam*; alio modo sicut per ipsum *impetrandam*. Primo quidem modo soli Deo orationem porrigimus; quia omnes orationes ordinari debent ad gratiam et gloriam consequendam, quæ solus Deus dat secundum illud Psalmi 83, versu 12; «..... gratiam et gloriam dabit Dominus».

2.º Licitum est et utile orare sanctos in coelo cum Christo regnantes, sive angeles, sive homines, *ut intercessores*, qui a Deo impetrent, quæ petimus. Et hoc sensu ait D. Thomas: «Secundario modo orationem porrigimus sanctis, angelis et hominibus, non ut per eos Deus nostras petitiones cognoscat, sed ut per eorum precibus et meritis orationes nostræ sortiantur effectum. Et ideo dicitur Apocalypsis, cap VIII, v. 4: «et ascendit fumes incensorum de orationibus sanctorum de manu angeli coram Deo». Et hoc etiam patet eo ipso modo, quo Ecclesia utitur in orando. Nam a Sancta Trinitate petimus, ut nostri misceatur: ab aliis autem Sanctis quibuscumque petimus ut orent pro nobis» (1)

Propterea est de fide decisa in conc. Tridentino, sec. 25, contra Petrobrusianos, Waldenses, Wieleffitas, maxime Luthreanos et Calvinistas qui Vigilantii errorem diu a Sto. Hieronymo confutatum suscitantes, contendunt illicitum esse et vanum invocare Sanctos; quosque ideo impios declarat S. Synodus.

*Nota bene:* 1.º Justos in hac vita peregrinantes licite invocari, ultro concedunt hæretici, idque liquido constat

(1) Sum, Theol I.º 2.ªe q. 83, art. IV.

ex pluribus S. Scripturae locis: I Regum, cap. 7; Job, cap. ultimo; ad Ephes. 6; I ad Thesal 5; II ad Thesal 3; ad Colos. 4; ad Habr. 13; ad Rom. 15; ubi dicit Apostolus: «Obsecro vos ut adjuvetis me in orationibus vestris pro me ad Deum».

*Nota bene:* 2.º Omnes praefacti hæretici negant sanctos in coelis orare pro nobis *specialiter et in particulari*; posteriores tamen sectarii nunc concedunt eos orare pro Ecclesia in genere seu in specie, non vero in particulari.

*Probatur* nunc thesis: Licitum et utile esse orare Sanctos in coelis, sive angelos etc.:

A Ex Jacob. cap. V. «Voca ergo si est qui tibi respondeat, et ad aliquem Sanctorum converterer id est, angelorum, juxta D. Augustinum.

*Genes*, cap. 48, dicit de Jacob benedicens filiis suis: «Angelus qui eripuit me de cunctis malis, benedicat pueris istis, et invocetur super eos nomen meum, nomina quoque patrum meorum, Abraham, Isaac».

*Exod.* cap 32, Moyses sic orat: «Recordare, Domine, Abraham, Isaac, et Israel servorum tuorum, quibus jurasti per semetipsum».

Daniel, cap. 3, pueri in fornace ejecti implorant Dei misericordiam per merita sanctorum, his verbis: «Neque auferas misericordiam a nobis propter Abraham dilectum tuum et Isaac servum tuum et Israel sanctum». Vide Jacob, cap. 5.

*Psal.* 131 ubi, Salomon in cujus persona scriptus est psalmus iste, per merita patris sui jam defuncti, sic orat. «Memento, Domine, David et omnis mansuetudinis ejus». ....«Propter David servum tuum non avertas faciem Christi tui». Vide insuper *Zachariae*, cap. 11; *Tobiae*, 12; *Apocalip.* 5 et 8; *Job.* 5; I *Reg.* 7; *Job* ultim; *Jerem.* 42; *Baruch*, 1; *Ad Rom.* 15.

B Monumenta vide apud P. Billuart, diss. 11 art. IV, tractatur de oratione; et Natalem Alexan. 5. saec, dissert. 25, q. 2, art. 2, prap. 2.